

修文弟二集

莊世光  
題

中華民國八十三年九月十一日 初版

修文第二集

版權  
所有

|     |                            |
|-----|----------------------------|
| 著者  | 修文會莊世光等                    |
| 主編者 | 修文會編輯小組                    |
| 出版者 | 龍華出版社                      |
| 地址  | 台北縣新店市北新路二段<br>一一一巷十五弄八號一樓 |
| 電話  | (02)九一三八三三二                |
| 登記證 | 內版台業字第一九五六號                |

## 修文第二集序

莊世光

修文第二集之將印行也，同仁復浩蕩作至善園之重遊。有陳敏慧智珠者，巧製「修文」、「至善」之聯語以進，是曰：「修文會內修文集，至善園中至善緣。」即景即事，信天衣之無縫，與其前習詰屈不同科，余方改容異之；復有謝春聘上珍者，亦急起直追，拾吾牙慧，而以「修文」、「至善」分上下句冠頂爲對，乃曰：「修來福慧雙全，至矣！至矣！文抱剛柔並濟，善哉！善哉！」是亦與其前作異趨，不可同日語也。古之所謂師友淵源，切磋琢磨，吾於是益信而有徵矣！

頃者，及門諸弟子相與請序於余。自惟一年以來，凡所講述，皆屬經天緯地之文，是一挑半剔者何足以掛齒哉？繼復思當此江河日下、積重難返之秋，期歲之間，能有斯效——則其餘諸子，亦多日起有功——是未可以雕蟲小伎忽之也。卑之毋甚高論可乎？吁！斯文未喪，吾道不孤，餘生之慶，無踰於此，二三子其自茲遠矣！是爲序。



# 作者目次

|      |   |
|------|---|
| 莊世光  | 一 |
| 王人德  | 九 |
| 黃至堯  | 〇 |
| 林翠菊  | 一 |
| 陳廖紅鳳 | 二 |
| 吳吉林  | 三 |
| 林士賢  | 四 |
| 廖惠施  | 七 |
| 陳榮男  | 三 |
| 陳敏慧  | 五 |
| 謝春聘  | 四 |

|     |   |
|-----|---|
| 楊玉里 | 六 |
| 釋宏道 | 六 |
| 洪秀芳 | 六 |
| 羅聖學 | 六 |
| 蘇日春 | 七 |
| 陳敏婕 | 七 |
| 陳春芳 | 八 |
| 何麗儀 | 八 |
| 蔡珠英 | 八 |
| 蔡碧華 | 八 |
| 黃瑞霞 | 八 |
| 陳清男 | 八 |
| 潘科元 | 八 |

莊世光，筆名八哥。現於十方禪林授《尚書》，佛陀教育基金會授《禮記》、《唐詩三百首》、古文精選，三重學佛會授《孟子》。

(一) 甲戌暑中修文會同仁重遊至善園

至矣善哉至善園 今來不復類前番  
欲追吳郡諸名勝 肯讓板橋一本源  
夏日當空無可畏 故宮隔宅更相關  
黃昏拒客終須散 再會毋忘趁早暄

附一聯

至矣吾儒 既重修文何用武  
善哉我佛 是真妙有不爲無

(二) 三千吟（在佛陀教育基金會授〈禮記〉）

斯文歷載近三千 總見三千弟子傳  
在此三千世界裏 長言細說是三千

註：一、謂時間。

二、謂孔子弟子。

三、謂佛陀教育基金會。

四、謂「禮儀三百」、「威儀三千」。

(三) 在十方禪林授〈尚書〉

尙無「詰屈聱牙」字

書有「疏通知遠」篇



(四) 台北市林森縣同鄉會新廈落成

林總漢家兒 積健猶雄 惟歡華館落成 非圖北市今朝醉  
森嚴閩學士 流風未昧 且喜他鄉道故 不盡南台舊日情

(五) 賀胡思超、陳素貞結婚

胡氏美才 思無邪 超人喜結三生願  
陳門麗質 素其位 貞女歡成百歲緣

(六) 玉堅晚歲如修女

英挺當年準丈夫

(七) 高堂且喜兒孫孝

治室毋忘老祖恩

(八) 高其格調輕輕步  
吟是篇章細細嘗

(九) 玉潤珠圓金不壞  
枝繁葉茂樹長春

(一〇) 陳編此去非餘事  
緞疋由來是上工

(一一) 杜去於天難再尺  
玉來自地貴連城

(一二) 月非有意求迎送  
霞是無心任去留

(一三) 末自本來連不墜  
子傳孫去續其昌

(一四) 詹尹焉知球隱沒  
昌黎未解道先前

(一五) 素月昨宵虛白室  
卿雲今旦爛黃宮

(一六) 玉容未改神之祐  
子息將興德有符

(一七) 秀才豈盡男賢事

蘭炷偏存女聖功

(六一一七係淡水黃帝神宮諸弟子嵌名聯)

(一八) 釋親證

親試已存於目擊  
證明應可在心期

(一九) 釋文喜

文到成家豈有  
喜緣隨便便如無

(二〇) 釋悟持

悟明一切心心了  
持守萬端口口沉

(二一) 執學生陳連城（故監察委員陳達元之弟）

蒼天乎 斯人而有斯疾  
濁世也 方死其亦方生

(二二) 祭閩南反共志士文（代台北市龍溪縣同鄉會擬）

維中華民國六十七年四月十六日，台北市龍溪縣同鄉會理事長潘景耀暨全體理監事，謹以香花水果之儀，致祭於閩南反共義士暨被害死難同鄉之靈前，曰：

嗚呼！天降凶侵，赤匪肆虐，日月韜光，九域盡削。當此之時，視天夢夢，盜言孔甘，民皆入甕。按圖而索，大事

殘賊，不論東西，無分南北。黃巢踰後，闖獻未遑，哀我閩南，惟最後亡。嗚呼！海濱鄒魯，元本紫陽，我有主義，道統斯皇。誰信豺虎，如彼馬列，爲鬼爲蜮，爲妖爲孽。乃效延平，入海禦侮，不可奈何，踵法漳浦。死事之酷，竭澤難量，陰風慘慘，厲氣茫茫。鳥飛不下，獸鋌而撲，新鬼煩冤，舊鬼號哭。嗟我鄉侶，悼我同志，靈爽匪遙，丹誠不貳。我曹在莒，日夜腐心，誓必報讎，嶽重淵深。惟茲基地，台澎金馬，盤錯海疆，勢非小寡。元良堂堂，蔣公哲嗣，三載謳歌，萬方攸寄。嗚呼！悠悠二紀，忽忽一世，國恥家恨，在艱彌勵。廟堂勝算，左卷已操，牧野鷹揚，獨夫焉逃？收京有日，還鄉不遠，神之聽之，祐我陟嶽。臨風悵望，淚酒一卮，洋洋在上，鑒此陳詞。嗚呼哀哉！尙饗。

王人德，字同仁，軒轅教講師。

(一) 禮孔廟餘興

台北明倫堂上聚 吟詩倡歎樂無涯  
此情此景真寧藥 國泰民安唯爾諧

(二) 喚醒

反理悖常等剋星 靈根徙離喪無形  
回頭速挽性真在 勿枉人間繞一停

(三) 遊至善園

烈日當空至善園 師生歡樂盡晨昏  
人間此景真難得 有似盛唐今尙存

黃至堯，字則之，台灣區罐頭公會退休。

(一) 兩兒

裕權居長菩提心 公共衛生學益深  
裕智隨兄亦好佛 醫方精進自勝任

(二) 堯梅何幸結連理  
權智有榮裕後昆

(三) 聯合提高新品質  
維持創發大財源  
橫披：三結義深

(聯維刺繡公司由三股東聯合組成。)



林翠菊，字迎秋，號小雅，曾任教於國民中學。

(一) 遊東勢林場

盛暑遨遊東勢林  
蟬鳴斷續知時意  
無邊翠色盡成陰  
蝶舞低回賞客心  
夜宿山中何寂靜  
晨行壑底更幽深  
已溫世外桃源夢  
誰道人間無處尋

(二) 遊塞班島

獨往南洋小島行  
岸圍礁石景天成  
魚群自得真無礙  
雁陣相隨是有情  
徙倚海邊因浪靜  
浮游水面覺潮生  
心寬逸興登仙境  
何必悠悠身外名